

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Uprava policije)

i

C.I.B.O.S. d.o.o. Sarajevo, Bosanski put 215, Ilijaš, ID broj: 4200456390009, kojeg zastupa direktor Sakib Hukić (u daljem tekstu C.I.B.O.S. d.o.o.),

zaključili su:

UGOVOR O UNIŠTAVANJU PRIVREMENO ODUZETIH PREDMETA

Član 1.

Predmet ovog ugovora je uništavanje privremeno oduzetih predmeta, koji potiču iz okončanih predmeta na sudu, a koji su oduzimani po različitim osnovama i za koje su donesena pravosnažna i izvršna rješenja o uništenju.

Nabavka je izvršena putem direktnog sporazuma, na osnovu odluke broj 02-11-4-3168/22 od 08.04.2022. godine.

Ponuda C.I.B.O.S.-a d.o.o. bb od 14.12.2022. godine je sastavni dio ovog ugovora.

Spisak predmeta pripremljenih za uništenje je takođe sastavni dio ovog ugovora.

Član 2.

Ukupna vrijednost predmetne nabavke iznosi do 400,00 (četiristotine i 00/100) KM bez PDV-a.

Cijena i ostali elementi ovog ugovora se ne mogu mijenjati.

U cijenu su uračunati rad radnika na uništenju, troškovi transporta, utovara, uništenja predmeta i zbrinjavanje otpada nastalog prilikom uništenja.

Navedeno će se izvršiti u prisustvu Komisije.

Član 3.

Usluge će se pružati po ukazanoj potrebi, a zavisno od količine i dinamike rješavanja predmeta, uz prethodnu najavu C.I.B.O.S.-u d.o.o..

Komisija Uprave policije Ministarstva unutrašnjih poslova Kantona Sarajevo za uništenje privremeno oduzetih predmeta će pripremiti privremeno oduzete predmete za uništenje i o istom će obavijestiti C.I.B.O.S. d.o.o..

Član 4.

Uništavanje privremeno oduzetih predmeta će se vršiti u krugu industrijske zone „Željezara“ Ilijaš, Bosanski put 215.

Član 5.

C.I.B.O.S. d.o.o. se obavezuje da:

- obezbjedi prevoz privremeno oduzetih predmeta na mjesto izvršenja uništenja;
- preuzme privremeno oduzeti predmet u roku od 24h od zahtjeva Uprave policije;
- obaveze po ovom ugovoru uzima u rad kao prioritete;
- uništi privremeno oduzete predmete uz prisustvo Komisije, isti dan kad je predmet i preuzet;
- izda potvrdu o izvršenom uništenju;
- uništenje izvrši u skladu sa pozitivnim propisima iz predmetne oblasti.

Član 6.

O izvršenom uništenju, sačinice se zapisnik između Komisije za uništenje, kao predstavnika Uprave policije i ovlaštenog predstavnika C.I.B.O.S.-a d.o.o. u 4 (četiri) istovjetna primjerka, koji će

sadržavati: datum, vrijeme i mjesto uništenja, količinu i vrstu predmeta i druge potrebne podatke propisane pozitivnim pravnim propisima iz ove oblasti.

Uništenje će se slikati kao i uništen predmet, te će slike biti sastavni dio zapisnika o uništenju.

Član 7.

Plaćanje će se vršiti u roku od 30 (trideset) dana od dana urednog izvršenja usluge i dostavljanja pojedinačne fakture, na tekući račun C.I.B.O.S.-a d.o.o..

Član 8.

Ukoliko Ugovorni organ ocijeni da izvršena usluga nije u skladu sa datom ponudom iz člana 1. ovog ugovora i preuzetim obavezama iz člana 5. ovog ugovora, Ugovorni organ može jednostrano, bez saglasnosti C.I.B.O.S.-a d.o.o., raskinuti ovaj ugovor.

Član 9.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 10.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 11.

Ovaj ugovor je zaključen, kada isti potpišu obje ugovorne strane i traje do realizacije ugovorenih obaveza ugovornih strana.

C.I.B.O.S. d.o.o. Sarajevo



direktor Sakib Hukić

**MUP KANTONA SARAJEVO
UPRAVA POLICIJE**



**POLICIJSKI KOMESAR
Generalni inspektor policije
Nusret Selimović**

Broj: 1/2^B
Datum: 09.01.2023

Broj: 02-11-4-3168-3/22
Datum: 27.12.2022. godine